

Carta de Santiago

Kjibokwo ëre tara Santiagorë

Kjibokwo ëre sorë

Domer shäng kjłara ko Santiago. Woyotjłıkoba ga e Jesús lëng lëba. E sök Jerusalén kjokyo, ga parkono shäng Jesús tjłokwo kjpgaga kës li kägäyo. Sbö tjłokwo łagaga Jesús äska li tön lëng ëng tjokshko ga Santiago beno ba kägäyo, tak pjang Hechos 15 go sorë li eni.

Eshko dbaryo ga judıoga ara lëng ba kjok baiya lishko llem, öotong beno lëng kjok shto oblë oblë shara. Kjibokwo ëre tara Santiagorë ba kong lok.

Shji lëng së obishko ga shji mär Jesús go li kjishko ga shji shdungoba iyado li tara ba kong. Shji ie Sbörë ber lëng shdungoba wlo, shji äär jek lëng pjlo bek ba bokso wlo li tara ba kong. Eni ga woyde ga llëbo wen bi kong owashko ga shji opshgawë e go llem li tara ba kong bakoe.

Shji mär Jesús go jłokoyore miydëy sorë li tara ba kong. Woyde ga shji tjłë yotso li tara ba kong. Sbö bokso ga nopga uunkong tjwłö bek, eni ga woyde ga nopga dbur arare, de llëmde, shji jek lëng pjłú nopga uunkong tjok li tara ba kong bakoe.

1 ¹Kjibokwo ëre taga tja Santiagorë. Tja Sbö parkaga, Tjłapga Jesucristo parkaga bakoe.

Israel tjëyoga ktringgwo sak kjwara kjingsho pjok (12) Jesús tjłokwo kjpgaga shdöktong lëng kjok kjwang jikong, kjibokwo ëre ichër jek bomi kong. Miga lër bomi kong.

llëbo wen bi kong owa ara, shji tjłıkoba ara

²Pjeyoga, llëbo wen bomi kong owa oblë oblë Tjłapga Jesús kjishkoshko ga pjäy wopjłú ara anmoyö. ³Miydëmi pjłú ga pjäy tjłıkoba, pjäy mär lëng Tjłapga li go jłokoyo miydëba e go wlo. Shäryë enishko ga pjäy opping llëbo owa kuk kjange. ⁴Pjäy oppino llëbo owa kuk kjang pjir ga pjäy äär ber lëng mär Sbö go, woyde sorë li eni. Eshko ga llëye woydëmi ame.

⁵Pjäy kjok miydë woydë wleni ga rokozı Sbö kong, ga twe bomi kong. Shji kjimte woydë jłokoyo, ga kjok miydë rokëy ba kongshko ga shji włöya llëme. ⁶Gueniyo llëbo rokëmi ba kongshko ga woyotjłizı jłokoyo ga pjäy

kjimte, pjây kjimte llême lëmi llême. Ëye llëbo rokë Tjlapga kong, ga wotjlik ga kjimte llême le wleni ga e iöya bakwe pjlukdë llaw pogo dïung kjing go wleni. ⁷Ëye wotjlik eni ga kjimte Tjlapgarë llême. ⁸Nopga eniyo wotjlik oblë oblë iyado, llëye woyde li miyde löng llême.

⁹Sbö nopga llëbo ara llëm wleniyo, woyde ga löng wopjlú, Sbö kong ga tjwlo ara kjishko. ¹⁰Sbö nopga löng dbur ara wleniyo, woyde ga löng wotöshko, llono ga löng ame kjishko, kjlo sho lönggwo wleni. ¹¹Dlo wen tëm kjlirkë dbo arashko ga kjlo sho zröngtëng, lönggwo lon dret, ber wolësowa ame. Eni wleni ga nopga dbur ara wleniyo löng parkë dbur shak wopro ga wolon, ga ber llëye ame.

¹²Ëye, llëbo owa wen ba kong kuya kjang ga era ber wopjlú, llëbo owa li kura jek pjir ga ie Sbörë ber sök së iyado ba tjok kjishko. Sbö tjleno jlökoyo ga ëye omwoyde ga ie ber sök eni lara.

¹³Shji wotjlik tjwe llëbo owa shäryë lëyshko ga shji tjlingga Sbörë lëy llême. Sbö wotjlik llëbo owa shäryë llëm, ga ëye tjliya eni llëm bakoe. ¹⁴Shji tjliya, llëbo owa shäryë lëyshko ga shji tjlingga bi wotjlik owa lirë. ¹⁵Eni ga shji wotjlik owa kuzong ga llëbo owa li shäryë. E irgo ga llëbo owa shäryë jek këgong këgong. Pjirshko ga shji wolon, llëbo owa li kjishko.

¹⁶Pjeyoga, pjây jyäpgwëba lëba ga jlö lëmi llême. ¹⁷Llëbo pjlu li, llëbo pjlo bek li, e twaga Data Sbörë bi kong uunkong. Iök lök kjopkwo go kës li shäryaga erë. Iök li kalä kjlopswë ber oblë oblë iyado. Gueniyo Sböra kjlopswë llême. ¹⁸Shji iara beno löng së jlökoyo, ba tjlokwo bek li go. Llëbo tjeng kës shäryara li tjrëko ga kjrara bäm go li shji, shji ber ba nopga baiya wlo. E irgo ga oblë kjayde shara.

Tjlokwo kuy, ga kolëy

¹⁹⁻²⁰Pjeyoga, tja kuzia. Ëye tjle bomi kong ga kuzi yötso. Pjây tjleshko ga woyotjlizi yötso guing. Shji iirkëshko ga llëye woyde Sbörë li shäryë löng llême. E kjishko ga shji iirkë maling llême. ²¹E kjishko ga llëbo owa tjeng kës li rayozia. Llëbo pjlu llëm shäryëba ara li shäryë ame. Tjlokwo lara Sbörë bomi kong, pjây döya wlo li, e kjrozï wotöy dey.

²²Gueniyo tjlokwo li kumi dö llëm, kolozï bako, pjây opjyäpgwë llëm wlo. ²³⁻²⁴Domer shäng kjlara, opik kjok ikklo go. Gueniyo ga opino pjir ga to ey dwayo, ga bokkwo sorë woyo ba kong ame. Ëye, tjlokwo li kuya ga kolë llëm ga e so domer e kjoyoe. ²⁵Tjlokwo bek li, shji döya. Ga ëye opping ba go, llëye kuya li kolë, ga woyotjliza iyado ga era kjimte Sbörë e kjishko.

²⁶Ëye Sbö bangkjrë, Sbö tjlokwo sök le, gueniyo tjle owa wleniyo ga opjyäpgwë shäng om go. Sbö poshrëya le li tjwlo llême. ²⁷Shji Sbö bangkjrë woydë jlökoyo ga shji woyde bi Data Sbörë jek löng pjlo beke. Woyde ga llupsëngga, syäpga löng song wleniyo li kjimtëy, ga shji opdë yötso, llëbo owa shärye nopga Sbö miydë llëm wleniyorë li shäryë llëm wlo.

No kjone kjone tjwłō ara, oblē kjinmo lēy llēme

2 ¹Pjeyoga, pjāy mār lōng Jesucristo, bi Tjlapga tjwłō ara anmoyō li go kuzong ga pjāy wotjłik ga no kjone kjone tjwłō ara, oblē kjinmo lēmi llēm dey. ²Pjāy tōno lōng wlenishko ga imi ga nopga tjwe lōng do pjōk, kjłara sakkwo goshko sakkwo iokłō shāryak dbur sho shōylōr go, doyono shāng shwong wolēso go, kjłara obi song wleniyo, doyono shāng shwong owa go. ³Eni wlenishko ga kjłara dbur ara li włokjrēmi pjłú, «Pja sōk na shto pjłú ēre go» lēmi ba kong, gueniyo pjāy tjłē kjłara song li kong ga «Pja ber sōk kjweshko kjoko» lēmi ba kong, llēm ga «Pja sōk tōshko kjweshko» lēmi ba kong eni. ⁴Shāryoromi eni wleni ga kjłara li woydēmi lōng pjłú, oblē li kjinmo, woyotjłimi lōng owa, bomi wotjłik owa li go.

⁵Pjeyoga, tja kuziā. Nopga song wleniyo kjok ēre kjing go li kjrara Sbōrē, mār ber lōng ba go włō, āar ber lōng no pjłuyo sōk iyado lishko włō, llēbo twe łara ba woydagaga kong jłōkoyo li kjre łok włō bakoe. ¿E eni llēmdo? Shji mār ba go li, e tjwłō ara, shji dbur ara li kjinmo. ⁶Gueniyo nopga song wleniyo iēmi lōng tjwłō llēme. ¿Bomi bokrotkaga, bomi rotaga, bomi sōga āar no llgwezłong shtoyo bomi llēbo dōya włō li, e nopga dbur ara wleniyorē llēmdo? ⁷Pjāy Cristo i, ga ba ko tjwłō ara, gueniyo lāywe łok owa erā.

⁸Bi pjłuyo Sbō, ba tjłōkwo tak pjang eni: «Pja opwoydē sorē ga bop kjłara, e woydos eni bakoe.» Kjok llgwekkłō tjwłō kēsbang li e. Pjāy omshāryē eni ga pjāy jēk lōng pjłō beke. ⁹Gueniyo pjāy wotjłik ga no kjone kjone tjwłō ara, oblē kjinmo lēmi wleni ga llēbo owa shāryomirē lōng, ga kjok llgwekkłō buk li sōmi lōng llēme. ¹⁰Ēye kjok llgwekkłō li kolē uunkong, gueniyo diktong kjwara go wleni ga shdūya Sbōrē, e diktong shāng uunkong go wleni. ¹¹Sbō tjłēno ga «Shji pē oma boy oblē tjok llēme» łara, «Shji no zrōk llēme» łara bakoe. Eni ga no zrōromi wleni ga pjāy pono oma boy oblē tjok llēm ēmdē ga Sbō kjok llgwekkłō li kolōromi llēme.

¹²Tjłōkwo bek li, shji dōya. Ga pjāy llgweya Sbōrē ba tjłōkwo bek li go. Eni ga pjāy tjłē pjłō bek, pjāy opshāryos pjłō bek bakoe. ¹³Shāryozī eni, ēye, oblē songe lē llēm ga no llgwezłong dbaryo ga songe lē Sbōrē ba kong llēm bako kjishko. Ēye, oblē songe lē ga eshko ga sōk wlēpe.

Shji mār Cristo go, shji llēbo pjłú shāryē

¹⁴Pjeyoga, ¿ēbo mār Cristo go jłōkoyo lē, gueniyo llēbo pjłú shārye llēm ga e llēnoro? ¿Wotjłik eni ga dār lēmiro? ¹⁵¿Imi ga bomi pjeyo shāng kjłara, shwong llēm, dli llēm wlenishko ga ¹⁶pjāy tjłē ba kong ga «Pja nom sōk wopjłú bop ushko. Pja ber sōk kjłikjli, pja iē pjłú bakoe» lēmi ba kong, gueniyo sēnōmi llēm ga e llēnoro? ¹⁷Eni wleni ga «Tja mār Cristo go jłōkoyo» lēmi, gueniyo llēbo pjłú shāryēmi llēm ga e llēno llēme.

¹⁸No kjone kjone tjłē ga «Kjłara mār Cristo go, kjłara llēbo shāryē pjłú» lē eni. Tja tjłē ba kong łok ga «Tja llēbo pjłú shāryē. ¿Pja llēbo pjłú shāryē llēm ga pja mār Cristo go jłōkoyo li miydēr sorē? Tjara mār Cristo go jłōkoyo li miydēp, llēbo

pjlú shäryër shäng li go» lër ba kong eni. ¹⁹Miydëp ga Sbö, e kjälasoe lëp eni. Eni ga pjlúe. Gueniyo Ä sëyagara ommiydë bako, ga Sbö bangkjre lók dete erä.

²⁰Pja kjok miydë llëme. Èbo mär Cristo go jlökoyo lë, gueniyo llëbo pjlú shärye llëm ga e llëno llëme lër shäng bop kong. ¿Woydëp ga llëbo lër bop kong jek obi, tjökwö ère kjrëp wlöre? ²¹Dënashko ga bi kjokë Abraham, ba wa Isaac shara, zröya, sho suya Sbö poshrëkklo wlo lara. Sbö kolara eni kjishko ga e iara Sbörë beno pjlö bek ba bokso. ²²Miydëp e go ga Abraham mär shäng Sbö go jlökoyo lara dö llëm, llëbo pjlú shäryara bakoe. Ga llëbo shäryara li kjishko ga beno shäng mär Sbö go jlökoyo. ²³Eni ga Sbö tjökwö tak pjang li beno jlöe. Tjlë ga «Sbö tjökwö kjrara Abrahamdë, ga mär beno shäng ba go. E kjishko ga iara Sbörë beno pjlö bek ba bokso.» Ga Abraham kowara Sbörë ba kjälarayo. ²⁴Miydëp e go ga shji ie Sbörë ber pjlö bek ba bokso, shji mär Cristo go lëy li kjishko dö llëm, shärye eni, llëbo pjlú shäryëy bako li kjishko.

²⁵Eni wlëni ga dënashko ga walë shäng kjälar ko Rajab, to shäng opsoynek domerga oblë oblë kong wlëniyo. Nopga kjok iga wlëniyo li shrono löng ba ushkoshko ga wlökjara, ga ichara to jek irbo oblë go, shakoba llëm wlo. E kjishko ga iara Sbörë beno pjlö bek ba bokso. ²⁶Shji doyo tjok, gueniyo shji sëya dret ga shji löng së llëm, shji wolonoe. Eni wlëni ga shji mär Cristo go jlökoyo lëy, gueniyo llëbo pjlú shäryëy llëm wlëni ga e llëno llëme.

Bi kjoyorkwo

3 ¹Pjeyoga, no pinggaga llgweya Sbörë kjang, oblë kjinmo. E kjishko ga pjäy ara wotjlík äär ber no pingga llëme. ²Shji uunkong dir llëbo oblë oblë go. Gueniyo ëye dir ba tjlä li go llëm ga era pjlö bek, opdë dir llëm wlo ga pjlúe.

³Kwomgla, e kjamo pjriy pjir, shji kolë wlo. Eni ga söy llaw pogo ga pjlúe. ⁴Kjyong kësks jëk tjeng dlung kjing go li woyotjlizä. Kësks, bakwe pjlukdë dbo ara ëmdë ga söya ba sögarë llaw pogo, ba llgwekklo chirawa li go. ⁵Bi kjoyorkwo ère eni bakoe. Chirawa ëmdë ga shji krë ara e go. Iök sëya woyotjlizä. Chirawa ëmdë ga kjok buk kësang suya pjir ga pjlúe. ⁶Bi kjoyorkwo ère iök sëya wlëni. Llëbo owa lë oblë oblë. Bi doyo uunkong srer, tjökwö lë bi kjoyorkworë li go. Shji sreya pjir, iök ichara Ärë, shji suya wlo wlëni.

⁷Äya kjlöshko so oblë oblë wlëpyotkëy, ber löng tjëkso wlo ga pjlú, sënwa llë, dgur llë, llëbo dlung roy so bakoe. ⁸Gueniyo bi kjoyorkwora iëy ber tjëkso ga äe. E llëbo owa slöy ga ä wlëni, dgur kowo dyo owa, bi zrökklo wlëni.

⁹Sbö, e bi Tjlapga, bi Data bakoe. No shäryara so e kjoyoe. Ga bi kjoyorkwo li go ga Sbö poshrëy, gueniyo nopga läywëy owa e go bakoe. ¹⁰Tjökwo pjlú, tjökwo owa, e tur kjamoyo kjwaraso go. Pjeyoga, e pjlú llëme. ¹¹¿Di pjëblë, di kë ara, e tur tjwe di bokkwo kjwaraso go llëm llëmdo? ¹²Kjor ko *higuera*, e botjyë *olivo* llëm, kjilgwö botjyë *higuera* llëm, ga di pjëblë shjiy di bäng buk pjlek roy dwayo llëm bakoe.

Kjok miydë kjing pjök

¹³Pjäy kjok miydë ara, wotjlik pjlu wleniyo lëmi ga pjäy eni miydëba wlo ga pjäy jëk pjlo bek, llebo sharyëmi wotöy, woyotjlimi bomi kjok miydë li go guing. ¹⁴Gueniyo pjäy wotjlik owa oblë kong ba llebo kjishko, pjäy wotjlik ber löng bäm go wleni ga pjäy kjok miydë llëm, pjäy krë llë go wlo llëm bakoe. ¹⁵Ëye wotjlik eni ga ba kjok miydë li twaga Sbörë llëm, e kjok ëre so i, twaga Ärë om go ba kong. ¹⁶Nopga wotjlik owa oblë kong ba llebo kjishko wleniyo löng lishko ga llebo owa sharye lok oblë oblëe. Nopga wotjlik ber löng bäm go wleniyo löng lishko ga nopga engkwë eng tjok ara.

¹⁷Gueniyo kjok miydë twe Sbörë bi kong li, e eni llëme. Ëye kong kjok miydë eniyo twe Sbörë ga era jëk shäng pjlo beke. E engkwë llëm, wotjlik oblë kong pjlu, oblë kolë, oblë songe le, llebo pjlu sharye oblë kong ara, no kjone kjone tjwlo ara, oblë kjinmo le llëm, wotjlik bek iyado bakoe.

¹⁸Nopga wotjlik ber löng wlep eng tjok le ga eshko ga jëk löng pjlo bek erä.

Shji Sbö kolë

4 ¹¿Pjäy englë kar kar, pjäy engkwë eng tjok kar kar ega miydëmi llëmdo? ²¿Sharyëmi eni, pjäy ie bomi wotjlik owa lire llebo oblë oblë woydë ber bomi kong, pjäy ber löng wopjlu wlo kjishko llëmdo? ²Lëye woydëmi ber bomi kong li wleni llëme. E kjishko ga oblë zrömi, ba llebo li kjrëmi ber bomi kong wlo. Lëbo oma i, e koimi. E kjishko ga pjäy englë kar kar, pjäy engkwë eng tjok kar kar, ba llebo li kjrëmi ber bomi kong wlo. Pjäy llebo dret, rokëmi Sbö kong llëm kjishko. ³Ga llebo rokëmi ba kongshko ga rokëmi bomi wotjlik owa li go, ber bomi kong pjlu wlo erä. E kjishko ga llebo twe bomi kong llëme.

⁴Pjäy so domer orkwosmok shäng pjir, gueniyo jëk shäng walë oblë tjok kjoyoe. ¿Pjäy tön nopga Sbö miydë llëm wleniyo tjokshko ga pjäy ber löng Sbö moskwo miydëmi llëmdo? Ëye wotjlik jëk nopga owa wleniyo dik ga opyono beno löng Sbö moskwo. ⁵Sbö tjlokwo tak pjang li tjle ga Sëya twara Sbörë beno pjang bi go li, shji ymoyotke ara, woyde ga shji jëk Sbö tjok jlökoyo. ¿Tara pjang eni li tjwlo llëme lëmiro? ⁶Gueniyo ba wopjlu li kjishko ga shji kjimte ara anmoyö. E kjishko ga Sbö tjlokwo tak pjang li tjle ga

«Ëye krë ä ga Sbö wotjlik owa ba kong.

Ëye wotöy ga kjimte ara, ba wopjlu li kjishko.»

⁷Eni ga pjäy optwos Sbö kong, ga kolozia. Jlo lëmi Ä kong llëm, ga e tök pjolae. ⁸Pjäy jëk löng Sbö tjok ga Sbö jëk shäng bomi tjok bakoe. Pjäy llebo owa sharyaga, llebo owa sharyëmi löng li rayozia. Pjäy wotjlik löng kjing pjök wleni ga bomi wotjlik owa li rayoz, pjäy ber löng wotjlik bek wlo eröe. ⁹Pjäy woydos, pjäy slarzung, pjäy kjiloshtos bakoe. Pjäy jar ame, pjäy ber löng slar ëë shara. Pjäy wopjlu ame, pjäy ber löng woydë shara. ¹⁰Pjäy opyos ber löng wotöy Tjlapga bokso. Eni ga pjäy ie ber tjwlo ara.

¹¹Pjeyoga, shji ënglë owa ëng kong kar kar llëme. Bomi kjlara layworomi owa, llëm ga e owa loromi wlëni ga Sbö kjok llgwekklo li owa loromi wlëni. Eshko ga kjok llgwekklo li kolëmi löng ame, pjây opyono beno löng tjwlo ara, kjok llgwekklo li kjinmo, kjok llgwekklo li pjluë, de oware ïga wlëni. ¹²Kjok llgwekklo twaga li kjlaraso. No llgwegaga li kjlaraso bakoe. Bi döga, bi shdungga li e. Bomi kjlara pjluë, de oware laga ber pjâyde llëme.

Shji krë llëme

¹³Tja kuzia. Pjây kjone kjone tjle ga «Eeri, bong ga shji to kjok shto oblë. Shji ber löng eshko lu pjlara llebo soynek, dbur shak ara wlo» lëmi eni. ¹⁴Gueniyo lleye wen tjwe bomi kong bong li lle miyde mi löng llëme. Pjäng sho lon tjwe töy ga wop sira ga beno drete. Pjây löng së li, pjây so pjäng sho e kjoyoe. ¹⁵Bek wlo ga pjây tjle ga «Woyde Tjlapgarëra, shji ber löng wopjlu, llebo sharyë oblë oblë bakoe» lëmi eni dey. ¹⁶Gueniyo pjây krë ä ryado. Eye krë ga llebo owa sharyayde. ¹⁷Eye, llebo pjlu sharyako li miyde, gueniyo sharye llëm ga llebo owa sharyayde löng.

Nopga dbur ara wlëniyo llebo owa sharyono

5 ¹Nopga dbur ara wlëniyo, tja kuzia. Pjây slarzung, pjây kjoshtos, llebo wen tjwe bomi kong owa kjishko. ²Eshko ga bomi llebo tjeng kës li sreno pjir, bomi shwong lle uara ba sëyarë drete. ³Bomi dbur sho shöylör, pjilublün, e dyano tjeng. E ïya Sbörë, ga miyde e go ga eye kjimtoromi bomi dbur li go llëme. E kjishko ga pjây suya iök go, e bomi shdungglo wlo. ⁴Nopga parkono bomi kong bomi kjokshko li potjwlënomi llëme. E kjishko ga kjoshtono lok Tjlapga kong bomi kjishko, ga kurae. Tjlapga, lleye sharye woyde li sharye ga pjluë. ⁵Kjok ëre kjing go ga pjây löng owa llëm, lle pogo sharyoromi pjir, woydoromi sorë li eni. Öng sök shoryë li, e zrökoba wlo li miyde sök llëme. Pjây löng eni bakoe. Lleye wen tjwe bomi kong li woyotjlïmi löng llëme. ⁶Nopga pjlo bek li shdunomi, zröromi ara, ga opwlïkono lok llëme.

Llëbo owa wen tjwe bi kongshko ga kuy wlepe

⁷Eni ga pjeyoga, Tjlapga Jesús tjwe iröng obi dbaryo li koshëmi löng wopro ga pjây ber löng wlep, pjây woyde llëme. Dwla dgaga, ba dwla dgara pjirshko ga shunyo dbaryo li koshe sök wlep, dwla li botjyë wlo. ⁸Pjây ber löng wlep eni bakoe. Pjây opyos wokjang, wosonkë llëm, Tjlapga li tjwe iröng obi dbaryo li döro kjishko. ⁹Pjeyoga, pjây ëng laywë owa ëng kong kar kar llëm, llëm ga pjây shdüya Tjlapga lirë. Bi llgwegaga shäng u bäng bäng tjän.

¹⁰Pjeyoga, Sbö tjlokwo lagaga tek dënashko so li woyotjlizia. Tjleno lok oba kong Tjlapga ko go, ga llebo weno ba kong owa ara ba kjishko, gueniyo kura lok löng wlep, woydono lok llëme. ¹¹No kjone kjone, kong llebo weno owa ara, ga kura lok löng wlepe. Epga kjimtara Sbörë ara ley eni. Job, e woyotjlizia. Dënashko ga llebo weno ba kong owa ara, ga kura

sök wļēpe. E irgo ga kjimtara Tjļapgarē ara li miydēmi pjļúe. Tjļapga, shji woyde ara, shji songe le ara bakoe.

¹²Pjeyoga, lļēbo lēr bomi kong tjwļō ara. Shji tjļē jļōkoyo ē ko go lļēme. Shji tjļē jļōkoyo kjok dogo so ko goshko lļēm, kjok ēre so ko go lļēm bakoe. Pjāy tjļēshko ga «Ēng» lōromi ga shāryozī eni, «Llēme» lōromi ga shāryozī eni bako, pjāy shdūya Sbōrē lļēm wļo.

Shji song wļeni ga shji syōshtē Sbō kong sorē

¹³Pjāy kjone kjone lōng woydē ga pjāy syōshtos Sbō kong. Pjāy kjone kjone lōng wopjļú ga pjāy tos, Sbō poshrēk wļo. ¹⁴Pjāy kjone kjone swļo ara ga tjļapgaga Jesús tjļōkwo kjrāga kāgāyoga rokozi, syōshtē Sbō kong bomi kjīshko wļo, pjāy poshtiya lōk kjo go Tjļapga ko go wļo bakoe.

¹⁵Ga wotjļik ga swļo li popte Tjļapgarē le lōk jļōkoyo ga swļo li popte, ga owa pjāng ba go li lōya ber dret bakoe. ¹⁶E kjīshko ga pjāy lļēbo owa shāryono ga lōzi ēng kong, ga pjāy syōshtos ēng kjīshko, pjāy popte Sbōrē wļo. Ēbo pjļo bek li syōshtokdo Sbō kong ga lļēbo rokara li shārye Sbōrē ba dbo ara go. ¹⁷Dēnashko ga domer shāng kjļara ko Elías, e so shji kjoyoe. E syōshtono Sbō kong jļōkoyo, shunyo shrē lļēm wļo, ga shunyo shrono lļēm öötong lū pjļogļo mya kjingsho bēye. ¹⁸E irgo ga syōshtono jek obi, ga shunyo shrono jek irōng obi, ga dwļa lļē lōk klūng kjing go li botjyono jek obi.

¹⁹Pjeyoga, ēye diktong, tjļōkwo bek li rayara ga woyde ga sömi tjwe irōng obi. ²⁰Eshko ga ba kjimtaga li, e lļēbo shāryono ba kong kēsbang, wolon ame wļo, ga owa pjāng ba go kēs li lōya Sbōrē ber drete.